

**10. JUBILARNI MEĐUNARODNI SAJAM PRIVREDE
BRČKO 16-20.- NOVEMBAR 2011. godine**

SAJAMSKI PRAVILNIK

Sajamski pravilnik sadrži upute kojima se regulišu prijavljivanje, izlaganje i poslovne aktivnosti na Sajmu, a na osnovu koji se zasniva obligacioni odnos između Privredne komore Brčko distrikta BiH kao organizatora i učesnika (izlagača).

Prijavljivanje

Prijava za izlaganje podnosi se na prijavnom obrascu, štampanim slovima, te potpisana i ovjerena dostavlja na adresu organizatora. Po istom postupku uz prijavu se dostavljaju i pripadajuće narudžbe sajamskih usluga. Prijava se podnosi najkasnije do 31.10.2011.godine. Upućivanjem prijave izlagač izražava svoju saglasnost s odredbama opštih uslova učešća na Sajmu Brčko 2011, te stupa u obligacioni odnos s organizatorom.

Plaćanje

Uz prijavu o izlaganju izlagač dostavlja dokaz o uplati obaveznog iznosa od **180 KM/92€** (troškovi prijave i upisa u sajamski katalog). Prijava bez dokaza o uplati obaveznog iznosa ne obavezuje organizatora. Po prispjeću prijave izlaganja i narudžbe sajamskih usluga, organizator izlagaču ispostavlja predračun-avansni račun koji mora biti plaćen u cijelom iznosu u zakonskom roku, a najkasnije do 31.10.2011.godine. Troškove platnog prometa i PDV-a snosi izlagač. Ispostavljanjem predračuna, organizator potvrđuje rezervaciju prostora i ulazi u obligacioni odnos ispunjenja svih fakturisanih narudžbi izlagaču. U zavisnosti od raspoloživog prostora, organizator može prihvatiti prijavu i uplatu poslije propisanih rokova uz pravo uvećanja svih cijena na ime uvećanih troškova.

Narudžbe u toku Sajma izlagač je dužan platiti odmah i to po cijenama regulisanim po prijavi.

Preuzimanje i predaja izložbenog prostora

Izložbeni prostor (štant) dodjeljuje se, u principu, prema redosljedu prispjeća prijava i uplata. Dodijeljeni prostor izlagač preuzima zapisnički, a na osnovu originalnih dokaza o uplati obaveznog iznosa i ukupne sajamske narudžbe 16.-20.11.2011.g. Ukoliko izlagač ne preuzme dodijeljeni prostor najkasnije 20 sati prije početka Sajma, smatrat će se da je odustao od izlaganja, te organizator, po potrebi, prostor može izdati drugom izlagaču. Nedostajući zaduženi štand-materijal naplaćuje se izlagaču po cjenovniku organizatora i na licu mjesta. Izlagač je dužan isprazniti dodijeljeni prostor u roku od 24h po zvaničnom zatvaranju Sajma.

Odustajanje

Prijavljeni izlagač može odustati od izlaganja pod određenim uslovima i to:

▶ 30 dana prije početka Sajma u kom slučaju se vraća uplata, izuzev obaveznog iznosa

▶ 15 dana prije početka Sajma, u kom slučaju mu se vraća 50% uplate sajamskih narudžbi, odnosno fakturiše isti iznos.

Odustajanje na manje od 15 dana prije početka Sajma nije moguće i organizator će zadržati cjelokupan iznos uplate, odnosno fakturirati izlagaču nastale troškove. Odustajanje se najavljuje pismeno, a rokovi počinju teći od datuma prispjeća obavijesti u sjedište organizatora. Odustajanje najavljeno usmenim putem ne proizvodi pravno djelovanje.

Posebne odredbe

U slučaju kada izlagač sam izvodi štand, dužan je pridržavati se propisa o tehničkoj zaštiti, uputa organizatora i standarda uobičajnih za međunarodne Sajmove. Izlagač obavezno osigurava vlastitu opremu i izložbene eksponate od otuđenja, oštećenja, uništenja i drugih rizika na vlastiti teret. Sve druge poslovne aktivnosti, izlaganja i prodaje eksponata, regulišu se po posebnim uslovima u bilateralnom odnosu s organizatorom i obavljaju na osnovu posebnog pisanog odobrenja organizatora. Ova odredba odnosi se i na izlagača kada ove aktivnosti obavlja izvan zakupljenog izložbenog prostora. Izlagaču pripada pravo dodjele besplatnih izlagačkih akreditacija i to za prostor od **10.5m²=3 kom.**

Radno vrijeme Sajma je za izlagače od 09:30 do 20:00h, a za posjetioce od 10:00 do 19:30h.

Čišćenje i održavanje higijene štanda je obaveza organizatora.

Čišćenje i održavanje higijene zajedničkih sajamskih prostora obaveza je organizatora. U slučaju promjene termina Sajma uslijed više sile, izlagač nema pravo naknade štete od strane organizatora. Organizator će o novom terminu Sajma obavijestiti izlagača. Sve eventualne sporove riješava nadležni Sud u Brčkom.

Izlagač

M.P.

organizator

M.P.

potpis

mjesto i datum

potpis

mjesto i datum